

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 000104/21
ՎԱՐՉԱԿԱՆ ՎԱՐՈՒՅԹԸ ՎԵՐՍԿՍԵԼՈՒ ԵՎ
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՎԵՐԱԲԵՐՅԱԼ

24.02.2021թ.

ք. Երևան

Ես՝ ՀՀ պետական եկամուտների կոմիտեի իրավաբանական վարչության պետ Ա.Մնացականյանս, քննելով վարչական իրավախախտման վերաբերյալ թիվ 104 գործը և ուսումնասիրելով վարչական իրավախախտման վերաբերյալ 24.02.2021թ. թիվ 104 արձանագրությունը,

ՊԱՐԶԵՑԻ

Ֆիզիկական անձ Շահեն Կարենի Մարկարյանը (Անձնագիր՝ 007797194, Արարատի մարզ, գ. Նորաշեն, Կոմիտասի փող. 23) համաձայն ՀՀ պետական եկամուտների կոմիտեի իրավաբանական վարչության 22.09.2020թ. թիվ 1509907 վարչական ակտի՝ առանց իրավաբանական անձի պետական գրանցման կամ անհատ ձեռնարկատիրոջ պետական հաշվառման զբաղվել է ձեռնարկատիրական գործունեությամբ, ինչի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169 հոդվածով:

Վարչական վարույթի շրջանակներում Շահեն Կարենի Մարկարյանին հասցեագրվել են ծանուցագրեր՝ վարչական իրավախախտման վերաբերյալ արձանագրության կազմմանը և գործի քննությանը մասնակցելու վերաբերյալ: Նկատի ունենալով, որ ծանուցագրերը ստանալու փաստը հավաստող ապացույցներ առկա չեն եղել՝ ՀՀ ՊԵԿ իրավաբանական վարչության պետի կողմից 10.02.2020թ-ին կայացվել է վարչական վարույթը կասեցնելու մասին որոշում՝ «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետի համաձայն:

19.02.2021թ-ին Շահեն Կարենի Մարկարյանը պատշաճ ծանուցվել է հրապարակային ծանուցումների պաշտոնական ինտերնետային կայքի միջոցով՝ 24.02.2021թ-ին վարչական իրավախախտման գործի վերաբերյալ արձանագրության կազմմանը, գործի քննությանը մասնակցելու վերաբերյալ:

Կողմը պատշաճ ծանուցված լինելով չի ներկայացել արձանագրության կազմմանը և գործի քննությանը, չի ներկայացրել գրավոր բացատրություն կամ առարկություն:

Այն փաստը, որ Շահեն Կարենի Մարկարյանի կողմից իրավախախտումը վերջին մեկ տարվա ընթացքում կատարվել է առաջին անգամ, սույն գործով դիտվում է որպես պատասխանատվությունը մեղմացնող հանգամանք:

Հիմք ընդունելով վերոգրյալը և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 34-րդ, 244², 281 հոդվածներով և 282 հոդվածի 1-ին կետով՝

ՈՐՈՇԵՑԻ

1. Վերսկսել Շահեն Կարենի Մարկարյանի նկատմամբ հարուցված վարչական վարույթը,

2. Համաձայն Վարչական իրավախախտումների վերաբերյալ ՀՀ օրենսգրքի 169 հոդվածի՝ Շահեն Կարենի Մարկարյանի նկատմամբ կիրառել վարչական տույժ՝ նշանակել տուգանք 15.000 դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա. ՄԱՅԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝

վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ստանալուց հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվառմամբ: 900005240487՝ վճարման անդորրագրի <<նպատակ>> դաշտում պարտադիր նշելով որոշման համարը:

Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով:

Ստացա որոշման պատճենը _____